

Կ Ա Ր Գ

ՀԱՍԱՐԱԿՈՒԹՅԱՆԸ ԵՎ ԲՆԱՊԱՀՊԱՆԱԿԱՆ ԿԱԶՄԱԿԵՐՊՈՒԹՅՈՒՆՆԵՐԻՆ  
ՆՈՐ ՄԻՋՈՒԿԱՅԻՆ ԷՆԵՐԳԱԲԼՈԿ(ՆԵՐ)Ի ԿԱՌՈՒՑՄԱՆ ԾՐԱԳՐԻ ԻՐԱԿԱՆԱՑՄԱՆ  
ԱՇԽԱՏԱՆՔՆԵՐԻ ԸՆԹԱՅՔԻ ՎԵՐԱԲԵՐՅԱԼ ՏԵՂԵԿԱՏՎՈՒԹՅԱՆ ՏՐԱՄԱԴՐՄԱՆ

1. Մույն կարգով սահմանվում են հասարակությանը, ինչպես նաև բնապահպանական կազմակերպություններին Հայաստանի Հանրապետությունում նոր միջուկային էներգաբլոկ(ներ)ի կառուցման ընթացքի վերաբերյալ տեղեկատվության տրամադրման կանոնները՝ նոր միջուկային էներգաբլոկ(ներ)ի կառուցման ընթացքի թափանցիկությունն ապահովելու նպատակով:

2. Նոր միջուկային էներգաբլոկ(ներ)ի կառուցման ընթացքի վերաբերյալ տեղեկատվության տրամադրման գործընթացը կազմակերպում է Հայաստանի Հանրապետության էներգետիկայի և բնական պաշարների նախարարությունը (այսուհետ՝ նախարարություն)՝ այդ աշխատանքներում ներգրավելով նախարարության աշխատակազմի համապատասխան ստորաբաժանումները և պաշտոնատար անձանց:

3. Նախարարությունը հասարակությանը և բնապահպանական կազմակերպություններին նոր միջուկային էներգաբլոկ(ներ)ի կառուցման ընթացքի վերաբերյալ տեղեկատվություն տրամադրելու նպատակով համագործակցում է բնապահպանական կազմակերպությունների, ինչպես նաև լրատվական գործունեություն իրականացնողի հետ՝ համաձայն «Տեղեկատվության ազատության մասին» Հայաստանի Հանրապետության օրենքի պահանջների:

4. Նախարարությունը նոր միջուկային էներգաբլոկ(ներ)ի կառուցման ընթացքի վերաբերյալ տեղեկատվությունը մամուլի և զանգվածային լրատվության մյուս միջոցներով  
10\_060410\_0604

րով, համաշխարհային համակարգչային ցանցով, ինչպես նաև Հայաստանի Հանրապետության օրենսդրությամբ սահմանված այլ միջոցներով մատչելի է դարձնում հասարակությանը՝

1) ոչ ուշ, քան յուրաքանչյուր վեց ամիսը մեկ անգամ մամուլի հաղորդագրությունների կամ տեղեկատվական ամփոփագրերի միջոցով հանրությանը և բնապահպանական կազմակերպություններին տեղեկացնում է նոր միջուկային էներգաբլոկ(ներ)ի կառուցման գործընթացի մասին.

2) ըստ անհրաժեշտության, կազմակերպում է մամուլի ասուլիսներ, ինչպես նաև լրագրողների և բնապահպանական կազմակերպությունների ներկայացուցիչների հանդիպումներ նոր միջուկային էներգաբլոկի կառուցման ծրագրի պատասխանատուների հետ.

3) ասուլիսից 2 օր առաջ միջոցառման մասին տեղեկացնում է զանգվածային լրատվության միջոցներին և բնապահպանական կազմակերպություններին, որոնք նախօրոք հավատարմագրվում են դրան մասնակցելու համար: Ասուլիսի մասին հայտարարությունը պետք է տեղադրվի նախարարության կայքում: Հայտարարությունը կարող է տարածվել նաև մամուլի միջոցով և ուղարկվել զանգվածային լրատվության միջոցների ու բնապահպանական կազմակերպությունների էլեկտրոնային հասցեներին.

4) անհրաժեշտության դեպքում, Հայաստանի Հանրապետությունում նոր միջուկային էներգաբլոկ(ներ)ի կառուցման գործընթացի պատասխանատուներին հանձնարարում է պատրաստել ծրագրի վերաբերյալ հրապարակումներ ու մասնագիտական վերլուծություններ՝ տպագիր մամուլի համար.

5) Հայաստանի Հանրապետությունում նոր միջուկային էներգաբլոկ(ներ)ի կառուցման ծրագրի տարբեր փուլերի շնորհանդեսների ժամանակ, ըստ անհրաժեշտության, կազմակերպում է լրագրողների և բնապահպանական կազմակերպությունների ներկայացուցիչների այցը նոր էներգաբլոկի կառուցման հարթակ: Այդ նպատակով 3-5 օր առաջ կազմակերպվում է այցի մասնակիցների հավատարմագրումը: Նախարարությունն այցի

մասնակիցներին տրամադրում է տրանսպորտային միջոց և ծրագրի ընթացքի մասին  
մամլուլի հաղորդագրությունը:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ  
ՂԵԿԱՎԱՐ

Դ. ՄԱՐԳՍՅԱՆ